

произведениеби. Илдала кумекличил дурх1ни тянишбирар адамтала гьар-  
урла ва ишх1елла г1ямруличил, бурсибирар г1ях1си г1ебисес. Нушала  
г1ямруличи балх1ебикибсиличи, х1ярамсиличи, адамла х1ял-т1аби г1ятличи  
лайикьсили ах1енсиличи дурх1назиб гьими алк1ахъу. Дурх1нас бяркъ  
бедлугнила ва багъуди кайсахънила мурадун пикрилизи касили, чедирти  
классуназиб литература рурхъни клел бут1аличи бут1ибси саби:

1. 5-7 классуни. Литература буч1ни. (Литературное чтение).

2. 8-9 классуни. Литературала историяла курс.

5-7 классуназир руркъути произведениеби чула мяг1на, тематика ва жураби  
х1ясибли деклардарибти сари. Дусмала гьабг1ергьидешла (хронология)  
къяйдуртира х1исибдарибти сари. Бех1бихъудла классуназир касибти  
багъудлумачи хъарихъули, ишди классуназир литератураличи диги  
имц1адик1ахъу, дурх1ни къалабали ва саркъахъили буч1нила устадеш  
гьаладах1 арку, произведениела камси анализ бирахъес, илис лайикьси  
къимат бедлугахъес бурсибиру.

8-9 классуназир диалли произведениеби гьаладихъибти сари литературала  
историяла т1алабуни хъулчили дуцили.

Ишар машгьурти писательтала имц1али мяг1ничертигъунти, халатигъунти  
произведениеби дуч1ахъути сари. Илди классуназиб программали цаургабла  
х1ясибли писательти ак1нила ва илдани произведениеби делк1нила гьаб-  
г1ергьидеш х1ясибли произведениеби дуч1ахъес чебиахъули саби.

Чедирти классунала дурх1нас литературала дурсри кадирхънила мяг1ничерти  
т1алабуназибад ца саби литературала произведениебас, чузиб ирзуси масъала  
х1ясибли, заманаличи балбикахъили, лайикьси къимат бедлуге, илдала тема  
ва мяг1на белгидирес бални.

Программали чебаахъни х1ясибли, чедирти классуназиб руркъуси материал  
удирти классуназиб белч1нсиличил уржили бархбасунси саби, амма ил  
тикрарбик1уси ах1ен. Чумал класслизир цабех1 автортала произведениеби  
руркъули дирар, амма илди декларти сари.

Халкъла мух1лила пагъмула произведениеби руркънила къяйда ишгъуна